

（恭請）

九天司命真君寶誥

志心皈命禮

一家之主。五祀之神。司喉舌於北斗之中。察善惡於東廚之內。賜福赦罪。移凶化吉。安鎮陰陽。保佑家庭。何災不滅。何福不增。有求必應。無感不通。下火德澤民賴以生。上調飲食奉雙親。下煮饗餐滋壽命。丹天世界。竈府眾神。

欲酬護佑猶未能。普具香燈伸寸敬。虔
誠懇禱。宥過愆咎。弟子稽首謝洪恩。
願保門庭多吉慶。大悲大願。大聖大慈。
赤皇上品。三炷火官。洞陽大帝元皇定
國。南丹紀壽。護宅天尊。
玉清輔相九天東廚司命竈王真君

（敬 誦）

九天真元顯應誨世靈寶金經

九重天上竈王尊。靈霄輔相鎮乾坤。
三界全權都在握。人間禍福掌操中。
斯世不知多褻慢。難逃禍患萃盈門。
吾今大發慈悲念。降造金經一卷文。
詞淺意深人易曉。布告善男信女們。
有能朝夕誠心誦。一瓣清香透九重。
隨時念誦吾隨到。迪吉消災佑滿門。

求子便能生貴子。求安可保合家春。
求名立見名高發。求利無難利路通。
孝子為親求福壽。添齡賜福樂欣欣。
無求不應真靈驗。只要誠心朗誦勤。
一遍三功神記錄。終身持念格蒼芎。
心體力行多善果。時時足下起祥雲。
生享榮華添百福。死歸神道蔭兒孫。
金經一卷非閑說。人世休將作具文。

叮嚀切切留心記。天大福基在此敦。
男婦果能遵教訓。修功積德姓名芳。

（金經誦畢焚香九叩禮續誦）

（敬誦）

竈王神經

竈王菩薩竈神經。竈神原來在天庭。

只因人世心改變。

玉帝差我下凡塵。

親身下降察善惡。看民回心不回心。
竈神本是一家主。莫把菩薩看得輕。
竈王府君家家有。凡眼怎見神靈身。
時時家中親察照。善善惡惡看得清。
有等不賢潑婦女。全不把我放在心。
竈上推得不成樣。鞋襪放在上面存。
主家之人不管說。穢物廚中用意烹。
那論大小衣物等。滿竈熏得惡霧行。

不管潔淨不潔淨。輕慢神靈罪不輕。
牛犬畜肉放竈上。你看欺心不欺心。
守住竈前把人罵。惡言惡語實難聽。
有等婦人竈前哭。哭得吾神不安甯。
箒把打竈有大過。坐竈之人罪不輕。
殺雞竈上來砍剝。那有如此膽大人。
年頭月尾不洗掃。灰塵霧住滿竈身。
如此把神來輕慢。可恨凡民大欺心。

個個神壽有人敬。那個說起我竈神。
八月初三神壽誕。全不提動半毫分。
是神壽誕鬧熱熱。唯有竈神冷清清。
凡民若把吾神敬。八月初三記在心。
竈前便把香燈點。茶果齋供盡片心。
非怪吾神要爾敬。因你凡民不關心。
奉勸世人休忘記。無我竈神也不成。
人有誠心神感應。五瘟使者不入門。

一切禍患齊掃散。丟下前緣接後因。
回頭再把竈王表。正直無私不順情。
轉回天宮奏玉帝。善惡不隱半毫分。
玉帝聞言心大怒。差遣五瘟下凡塵。
積善人家不可去。作惡之家汝便行。
凶惡男女遭大難。頃刻急症入幽冥。
死在陰司還受罪。你想逃脫萬不能。
罪滿轉輪王發放。善惡報應見分明。

大善投胎大富貴。中善投生中等人。
大惡脫生變畜類。小惡投生落賤貧。
或是痴聾與瘖啞。牛馬豬羊去還人。
竈王今把凡民勸。依得神言是福人。
作惡不是長久計。近在自己遠兒孫。
虧心除盡平生福。奸巧短壽把命傾。
作善之人天佑爾。閤家人口保安甯。
世人不聽吾神勸。怕你後悔枉費心。

吾神臘月歸天去。直奏上帝玉皇尊。
作惡行善從實奏。再不隱瞞半毫分。
大秤小斗心不足。還在人前使假銀。
扭毫捏索良心喪。買賣欺善不公平。
淫人婦女罪不小。貪人財物喪良心。
暗地把人來唆弄。他在中間做好人。
還有仗勢來欺弱。欺老罵少起惡心。
打僧罵道怨天地。勸人開齋罪不輕。

作賤五穀該何罪。貪圖口腹忍傷生。
在生之時不自問。死後陰司見假真。
地獄受盡千般苦。陽世那個說是真。
敲嗑他人錢合米。變作牛馬還他人。
爾看一報還一報。如影隨形看分明。
奉勸男女仔細想。莫把吾言當假情。
孝順父母為第一。忠君愛民一等人。
第二須當敬兄長。第三夫婦要和平。

朋友說話要信實。奴僕寬恕可在心。
一般也是父母養。只為家寒兩難分。
假使自己兒和女。別人屈打憐不憐。
行事須當存天理。切莫欺死又瞞生。
逢人將經來勸解。廣積陰德與兒孫。
竈王勸人費心苦。看民回心不回心。

偈曰

東廚司命君。留下竈王經。

見面抄一本。子孫享科名。
眼下無災厄。禍事不臨門。
吾神八月壽。初三記在心。
若把吾經念。齋戒忌油葷。
初一並十五。各自要誠心。
信者有好處。不信自墮身。
死後見報復。報應見假真。
勸人抄十卷。解去一世冤。

勸人抄百卷。九祖得昇天。
吾神不虛說。保你富貴金。
不敬吾神者。枉生塵世間。

敬 誦

竈君降筆文

教事已停。吾來降臨。一家之主。
萬戶福神。職掌冊簿。絲毫奏呈。
時逢末劫。苦救眾生。諸神屢降。

疊作訓文。家中善惡。一一講明。
不敬天地。不禮神明。不孝雙親。
不奉先人。不畏王法。不重師尊。
不敬伯叔。不和鄉鄰。夫妻反目。
兄弟傷情。最恨婦女。不事二尊。
不和妯娌。不敬夫君。暗唆丈夫。
遂把家分。若分家業。不讓分文。
爾為男子。罔有乃身。放僻邪侈。

奸盜邪淫。縱使妻子。辱罵尊親。
不分內外。不別尊卑。好尚詐偽。
欺哄愚人。閒遊懶惰。不重儉勤。
謀人田產。百計橫強。貧不安分。
詐索金銀。至於吾竈。五祀獨尊。
或傍牛圈。或對豬門。近或雞圈。
臭氣難聞。或當五臘。咒罵紛紛。
或敲鍋竈。赤體露身。或烘衣服。

哭唱竈門。或有產婦。舉足亂行。
或罵兒女。大氣高聲。我今言明。
各宜小心。善惡冊籍。不差毫分。
每月晦日。奏上天庭。善超惡墮。
毫不容情。最喜男女。拜佛誦經。
果能改悔。片善登存。呂公起念。
感動吾神。愈公意妄。現身指陳。
非愛享祭。非喜香燈。一家大小。

總在心真。吾言雖淺。願人奉行。戒之
勉之。敬奉吾經。患不起。福子家興。

（九天東廚司命竈王府真經終）